
СЎХ ТУМАНИДА ЎЗБЕКИСТОН ВА ТОЖИКИСТОННИНГ ТАНИҚЛИ САНЪАТКОРЛАРИ ИШТИРОКИДА КАТТА КОНЦЕРТ БЎЛИБ ЎТДИ

Кеча Сўх тумани марказий ўйингоҳида маданий-маърифий тадбир ташкил этилди. Унда шоир ва ёзувчилар, адабиёт ва санъат намоёндалари, Ўзбекистон ва Тожикистоннинг таниқли санъаткорлари иштирок этдилар.

Тадбирни очиб берган вилоят ҳокими Хайрулло Бозоров Давлатимиз раҳбарининг алоҳида эътиборлари ҳамда ғамхўрликлари натижасида Сўх туманида сўнгги йилларда ҳар соҳада улкан ўзгаришлар ва янгиланишлар воқеъликка айланганини таъкидлади.

Тожикистон мустақил касаба уюшмалари Федерацияси раиси Маликшо Неъматзода икки мамлакат Президентларининг юксак сиёсий иродалари натижасида ўзбек ва тожик халқлари ўртасидаги азалий дўстлик ва қардошлиқ ришталари янги босқичга кўтарилганини қайд этиб, қўшма концерт дастури ҳам ушбу халқларимизни янада яқинлаштиришга хизмат қилишини таъкидлади.

Жўрабек Муродов, Озодбек Назарбеков, Ғуломжон Ёқубов, Ёдгор Саъдиев, Абдуҳошим Исмоилов, Зулайҳо Бойхонова, Мардон Мавлонов, Аслиддин Дўстов, Милена Мадмусаева, Муҳсинбек Мўминов, Валижон Қодиров, Акмал Садиҳонов каби Ўзбекистон ва Тожикистоннинг таниқли санъаткорлари ижросидаги Она Ватанни, инсонийлик ва меҳр-оқибатни тараннум этувчи куй-қўшиқлар, атоқли шоирлар Иқбол Мирзо ва Маҳмуд Тоир томонидан ўқилган шеърлар туман аҳолисига хуш кайфият бағишлади.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-06-05 12:33:56